

Martes, 19 de outubro de 2021

Núm. 201

ADMINISTRACIÓN LOCAL**PROVINCIAL****DEPUTACIÓN PROVINCIAL****Subvencións e axudas**

EXTRACTO DE APROBACIÓN DAS BASES REGULADORAS DA CONVOCATORIA DE SUBVENCÍONS PARA A ELABORACIÓN DE ESTUDOS TÉCNICOS RELATIVOS Á XESTIÓN E PREVENCIÓN DE RESIDUOS MUNICIPAIS

EXTRACTO DO ACORDO NÚMERO 2.30876 DA XUNTA DE GOBERNO DA DEPUTACIÓN PROVINCIAL DE PONTEVEDRA, ADOPTADO NA SESIÓN CELEBRADA O 15 DE OUTUBRO DO 2021, POLO QUE SE APROBAN AS BASES REGULADORAS DA CONVOCATORIA DE SUBVENCÍONS PARA A ELABORACIÓN DE ESTUDOS TÉCNICOS RELATIVOS Á XESTIÓN E PREVENCIÓN DE RESIDUOS MUNICIPAIS

BDNS(Identif.):589998

De acordo co disposto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria, cuxo texto completo se pode atopar na Base de Datos Nacional de Subvencións (<https://www.infosubvenciones.es/bdnstrans/GE/es/convocatoria/589998>)

Mediante o acordo número 2.30876 da Xunta de Goberno da Deputación de Pontevedra, adoptado na sesión celebrada o 15 de outubro do 2021, aprobáronse as Bases reguladoras da convocatoria de subvencións para a elaboración de estudos técnicos relativos á xestión e prevención de residuos municipais, publicadas e dispoñibles na web da Deputación (www.depo.gal).

PRIMEIRO. BENEFICIARIOS

Poderán participar nesta convocatoria as entidades locais da provincia de Pontevedra que teñan un censo de poboación inferior aos 50.000 habitantes, tanto individualmente coma agrupados, segundo a correspondente certificación expedida polo Instituto Galego de Estatística referida aos últimos datos publicados, e que no momento de finalización do prazo de presentación de instancias estean adheridos ao Revitaliza da Deputación de Pontevedra segundo o protocolo publicado no BOPPO núm. 199, de 18 de outubro de 2016, adhesión que se pode facer simultaneamente con esta convocatoria.

Non poderán obter a condición de beneficiarias aquelas entidades locais nas que concorra algunha das circunstancias ou prohibicións ás que fai referencia a lexislación vixente en materia de subvencións.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: Y3V83VLVYN6HL65



Martes, 19 de outubro de 2021

Núm. 201

SEGUNDO. OBXECTO

O obxecto desta convocatoria é articular unha liña de subvencións destinada a financiar a redacción dos seguintes documentos relacionados entre si:

1. Estudo técnico de xestión e prevención de residuos municipais, co contido mínimo recollido no anexo I destas bases, e no que se integre un estudo económico da solución ou solucións propostas que sirva de base para a futura ordenanza fiscal.

2. Documento relativo á adaptación da ordenanza-modelo de xestión de residuos redactada polo Revitaliza ás condicións de cada un dos concellos e ás solucións do estudo técnico de xestión e prevención de residuos.

3. Documento relativo á adaptación da ordenanza-modelo fiscal redactada polo Revitaliza ás condicións de cada un dos concellos e ás solucións do estudo técnico de xestión e prevención de residuos.

TERCEIRO. BASES REGULADORAS

De conformidade co disposto na Disposición adicional oitava da Lei 38/2003, de 17 de novembro, xeral de subvencións, esta convocatoria rexerase polo réxime contemplado nestas bases.

Con todo, para o non previsto nas bases reguladoras, resulta de aplicación supletoria a Lei 38/2003, de 17 de novembro, xeral de subvencións, o seu regulamento de desenvolvemento, a Ordenanza xeral de subvencións da Deputación Provincial de Pontevedra e as restantes normas de dereito administrativo.

CUARTO. CONTÍA

As contías máximas da subvención, segundo a poboación da entidade solicitante, serán as seguintes:

- Menos de 2.000 habitantes: 6.000€
- De 2.000 a 3.999 habitantes: 9.000€
- De 4.000 a 7.999 habitantes: 12.000€
- De 8.000 a 13.999 habitantes: 15.000€
- De 14.000 a 24.999 habitantes: 19.500€
- De 25.000 a 49.999 habitantes: 22.500€

No caso dunha petición conxunta de varios concellos ou dunha petición dunha mancomunidade, a contía será a que lle correspondería ao concello máis poboado incrementada no 30 % do que lle correspondería a cada un dos outros concellos.

No caso de que o custo da elaboración dos documentos obxecto da subvención supere as ditas contías máximas, o importe restante achegaráo o concello solicitante.



Martes, 19 de outubro de 2021

Núm. 201

Estas axudas contan cun crédito total de cen mil (100.000,00) euros e financiaranse con cargo á aplicación 21/923.1623.762.59 do vixente Orzamento provincial.

QUINTO. PRAZO DE PRESENTACIÓN DE SOLICITUDES

O prazo para a presentación de solicitudes será de trinta (30) días hábiles, contados a partir do día seguinte ao da publicación do extracto da convocatoria no Boletín Oficial da Provincia de Pontevedra (BOPPO).

SEXTO. OUTROS DATOS

— *Solicitudes:* os modelos normalizados atópanse dispoñibles na Sede electrónica da Deputación de Pontevedra (<https://sede.depo.gal>) xunto coa documentación á que se fai referencia na base sexta

— *Procedemento de concesión:* concorrència competitiva entre as entidades que cumpran os requisitos de admisión establecidos na base segunda, de acordo cos criterios de concesión que se recollen na base cuarta

— *Compatibilidade:* si

— *Cofinanciamento:* si

— *Forma de pago:* transferencia

— *Forma de xustificación:* mediante a documentación xustificativa requirida na base décimo segunda

— *Prazo máximo de xustificación:* oito (8) meses, contados a partir da notificación da concesión da subvención

Pontevedra, na data da sinatura electrónica.

O Deputado Delegado da área de residuos

Uxío Benítez Fernández

Pode verificar a integridade deste documento no seguinte enderezo:
<https://sede.depo.gal>
Código seguro de verificación: Y3V83VLVYN6HL65

